

Lutino weng romo pwonye

Dul me 23: Glades on the progress of inclusive education

Acakki: Itye kawinyo dul lwod wa me lutino weng romo pwonye. Lwod man jo ma kelo bot wu aye Backup Uganda kacel ki Brainstud. Itwero winyo pwonye wani ki iwii yamo me internet ma tye iwang website wa ma ki lwongo ni www.backupuganda.org. Ka itye kawinyo wa ki Gulu, iromo gamo pwonye man macalo dwon ma ki mako ki i Mega fm, Radio Rupiny, Radio Maria onyo i Divine Video and Music Library matye idi town kany. luaheadi ma a ki i gang kwan me district weng romo gamo pwonye ni ki i office pa DEO onyo District Education Office ki bene luaheadi ma a ki igang kwan me city council, romo gamo meg gi ki i office pa CEO onyo City Education Office ki bene igangi kwan magi: Highland Primary School matye iyi obiya iyo Kitgum, Gulu Prison Primary School iyoo Lacor ma opime ki ot lega Holy Cross, Gulu Town Primary School matye iyoo Gulu University, Mary Immaculate Primary School ingee gang lega madit pa katoli ma ki lwongo ni cathedral ma tye iyi For God, St. Joseph's Primary School onyo Christ the King Demonstration Primary School ingee gang kwan Sacred Heart. Kacer imaro ngec ma ipwonye wani, bedagonya me nywakone ki lupaconi, luremi, ki jirani ni bene.ka dano madwong gu winyo pwonye ikom kit peki ma lutino nongo ikwan, ci waromo konyo lutino wa maber loyo.

Moses: Ajoli lawiny wa idul tuku mamegwa me 23 me Lutino weng twero pwonye, Yub man jo makeli aye obedo Backup Uganda. Tin ki nyinga lwonga ni Rackara Moses ayer atye ladoo yub dok bene atye ki welo wa ma en obiwaci wa anga ma en ibedo kidok tice. Ajoli lamera

Glades: Apwoyo matek Moses, an nyinga Lanyero Glades. Pi joo matye kawinyo wa pi tyen me acel, enoni ayer nyinga dok bene angyo dano mapol gubedo ka lubu yub wa man ma wabedo kakeli dul tuku mapatpat. Ajoli dong ibed mot ite iti pien watye ki lok mapol me anwaka. Apwoyo.

Moses: Ajoli Glades bed agonya. waci wa kong matut madok ilok komi ki ngo ma itimo ki dong ibedo katimone pe kare marom mene.

Glades: Apwoyo matek Omera Moses, Cwinya yom me tic ki Backup Uganda pi kare maromo mwaka 5 maceto ia 6. Amaro tic ki Backup Uganda inge neno nenogi malube ki ngo magi timo me konyo lutino matye ki goro onyo lutino matye ki goro ikare me pwonye. Abedo ki awaka madit me tic ki Lunyodo, lupwonye, dul mapatpat magi neno pwonye pa lutino. Ci apwoyo matek.

Moses: Aneno itye ki ngec muromo ma atye kigen ni ibi leyo kedwa icawa manok matye kabino anyim. Ibedo katimo jami madwong ikine me mwaka 5, 6, 7 madok ilok kom peko madiyo lutino ikare me pwonye ki Backup Uganda. Kong iwaci wa ngeci matuk madok ia adwol mi kwan maribu dano weng lumwuku.

Glades: Apwoyo odocu, kit ma awacu kwede, atiyo bot dul me Backup Uganda pe kare malac dok bene amaro tic kedgi pien gitiyo igin ma pol dul mukene ni guweko woko. Wan kombedi watye kaneno pwonye maguru dano lumwuku calo gin ma pire tek mada ki bene miri tye kaneno kwan maguru dano weng karacel pi gangi kwan weng. Bedo na kany obedo gin maber tutwal. Abedo ki kero mi tic ki gangi kwan madwong. Tica kany obedo mit mada, abedo ki kero mi tic ki gang kwan madwong ki lunyodo mapol man oweko aniang ni man tye gin ma joo mapol guweko woko ka ineno peko ki goro madiyo lutino ikare me kwan ma dul me Backup Uganda tiyo iyer ni. Pol kare Lupwonye ki lunyodo gi ngeyo goro manen macalo ka ngati moni tye kangwec ki lela pa lugoro, ngati moo kiken romo moko ni dano eni tye ki goro pien ni tyengi petye ye maber. Ngat matye kawot ki odoo onyo oruku maraya mi wang moko ne yot tutwal ni tye ki goro kadi bed kumenu wan wa neno matute tutwale ikom goro ma neno ne tek tutwal ki wang. Aniang jami madwong tutwal ni lunyodo gubedo dano acel ma gin onongo pwonye eni dok bene cawa mukene tye goro mogo ma gin ngeyo ma pe nen, twero bedo ni oaa ki iwic, abedo bene ki kero me nywako ki lupwonye ma guwaci dong yot botgi me neno ki ngeno ki tic ki ngat matye ki goro iot kwan, man weng oaa ki ikom lwagi pwonye ma wamini gi wa ki lunyodo bene ma wabedo kikero me tuku dul lwod wa icuk ma padipadi. Kombedi ma watye kaloki, dul tuku lwod tye kakok icuk Olailong ma inongo ni lunyodo mapol tye ma bino ka nywako kedwa kit ma gin gitye kayele ki lutino matye ki goro kun gin bene onongo pe gingeyo ni enoni tye goro, latin bedo muding tutwal, cawa mukene tye goro, dok bene lutino magi yeleye ayela iot kwan. Ingeyo latin ma nongo dul kome weng tye maber ento latin enoni tye ka nwoyo ot kwan marac adida mwaka ki mwaka. Enoni romo

bedo goro ento ngati moni onyo lanyodo pe romo wacu ni enoni goro. Menu aye obedo jami ma pol ma an abedo kawinyo ne kibot lunyodo madwong pi man dong angeyo pe goro ma penen kiwang. Apwoyo.

Moses: Apwoyo Glades. Pe jo mapwod oduonyo adonya, man itye kawinyo yub ma ki lwongo ni Lutino weng romo pwonye dule me 23. Tin watye ki welo wa Glades matye kawaci wa lok madwong, dong ia agiki me loke, amako nyeg lok acel, en ayer Backup Uganda neno matute tutwal ikom goro ma penen ma enoni pire tek. Omyero wamak lok ni Goro ma pe neni iwi wa. En obedo kalok ikom ngat ma woto ki odo nongo in iromo neno ne ento Backup Uganda neno mabor kato kenyu. Ci apwoyo Glades pe nwakone matut kedwa. Amiti kong iwek lwak gunge, Angagi ma neno lok kom pwonye maguru dano lumwuku?

Glades: Apwoyo Moses odojo me penyu lapeny enoni. Iniang mamega, jo magi neno lok kom pwonye maguru dano lumwuku en aye obedo wan. Pe amito wacu ni obedo tic pa lanyodo, onyo lapwony onyo tic pa miri. Man tye lwongo botwa weng. Man tye lwongo bot dul weng, kong iketi irwate ki ngat matye ka tute atuta iyo, ibi lwongo lanyodo ne ni obin omikony, angeyo ni petye kumenu. pi man oweko gini eni tye piwan ducu. Watye ki twero pi lutino wa matye ki goro onyo dok bene watye ki twero me neno ni kwan maribu dano weng lumwuku obedo manen ia adwol wa. Menu aye oweko wa tye kayele matek me rwate karacel ki lunyodo kama gitye iye, me rwate bene ki lupwonye igangi kwan mapat pat dok bene me lok ki miri kit ma gi romo konyo ki gang kwan mapadi padi me yelo rwom mi odi kwan. Kit ma miri romo yubu yoo ma kitiyo kwede bedo maber wa ki dul pa miri mukene bene, ma ka kitye kayubu kiyub manongo dano weng romo tic kwede maber. Kun nongo romo weko jo mawoto ki lela pa lugoro bene romo nwec iye me donyo ikabedo macalo ot yat, ot lim ki mukene mapol. Ki tung bota anongo ni dano weng gitye ma gimite ikwan maribu dano karacel. Apwoyo.

Moses: Menu te loke ni obedo tic pa wan weng, obedo tici, obedo tica me neno ni kikonyo kor kwan maribu dano weng lumwuku. Cwal latini igang kwan, obedo tic pa lapwony me neno ni latini tye agonya igang kwan labongo apoka poka mi goro moo kiken ikom ngat enoni. Apwoyo Glades, aneno ni ber tutwal me yapu wang dano me neno ne ni wan aye watye

me neno ngo matye katimi ia adwol wa. Dong itye kaneno aloka loka ango irwec man me kwan maribu dano weng lumwuku igangi kwan ki ia adwol wa kama in ibedo kawot iye ni?

Glades: Aloka aloka ma an abedo ki kero me neno kit ma awacu kwede wi ati ni atiyo dong pi kare malac ni dok bene abedo ki kero me rwate ki lunyodo yaka lupwonye ni, Aloka aloka ma abedo ki kero mi neno ayer mia acel; Aloka aloka me neno pa dano, kadi bedi neno pa dano obedo gin ma loko ne tek, aye ni ma watye katute me mede ki rwec eni, niango dano, pwonyo jo mai ikin gang, pwonyo lupwonye, aloka aloka me wic wang ikom lutino matye ki goro wang ma otime ka wamede kitimo ne kare weng. Ngo ma an aneno igangi kwan mapol ma abedo ki kero mi wot iye ki pwonye mapadi padi ma wa miyo bot lupwonye aye obedo lupwonye tye ki miti madit me konyo lutino matye ki goro mapadi padi, dok bene gutude me neno ni lutino weng okwano karacel igang kwan labongo kit dic moo kiken dok bene gu kwan iot kwan acel acel. Man aye bene obedo jami acel ma wabedo ka jingo cwiny lupwonye me yubu jami me pwonye ma cwako kor lutino weng. Ket lutini eni wek gukwan karacel anongo gi bedo kikero me konyo luwotgi labongo ayela dok gin lutino enoni gubedo ka nwako kedwa ni kwan kit enoni ber pien weko pwonye dugu yot dok bene gin gikonye ikin gi kumenu weko ka latin maro wor iot kwan bedo yot ki lapwony me juku ne. Dok bene ka lutino ma giniange mot tye, pol kare wawaci lutino ma tero kare malac mi niange, ngo mamoyo dong itim? Ngo ma omoyo itim bot latin enoni wek kong obin onong kony? Mapat ki ryemo latin enoni mede ki wacu ni latini konye peke obangeo pe niang, iromo timo ngo mi konyo latin enoni mapat ki wor? Gubedo ki kere me nongo ngec muromo kit ma kiromo konyo ki lutino enoni. Dong bot lunyodo, aneno pol lunyodo gunyutu miti gi mi niange matut, enoni bene tye ikin adwogi maber ma wan wamito winyo. Kombedo dong ineno lanyodo ma opong ki miti, cwinye yom. Goro me kwan ki coc obedo kit gin ango majoni tye kalok iye, watye ka lok ikom goro ma pe nen idiamata, pe iromo neno latin matye ki goro me coc i kwan iwange, pe iromo neno; pe iromo neno goro ikom latin ma maro kwo kene ento pol kare kineno gi ka gin tye ka kwan kun woto ki mede kwede, man aye kare ma in ibibedo ki kare me niange ni latin eni tye ki goro ikwan ki coc dok bene tye kayele ayela icura. Pi man aneno ni pol luyodo gu yilo wi gi malo dok bene tye mukene ma gubino I gang kal. Wa tye ki mogo ma walimo lutino gi paka wai gang kwan, waneno kit ma jami ne tye kawot kwede dok bene wa konyo gi. Ki tung bota

menu obedo gin maber ma dong kombedi lunyodo dong guniange ber pa bedo cok ki lutino matye ki goro ma cwinya yom iye.

Moses: Ajoli dok odojo ayer Glades omyero wanongi kikobi pii manok acel, en oneno matut dok bene dong wa moko atir ni lunyodo eni ma waneno gi aye tye ma guloke ma dong atye ki niyer ni lunyodo bene romo neno ki niang goro matye ikom latin acel acel kadi wa ki gang, kumeno kur? Dong bene atamo ni lupwonye petye kagoyo lutino ki lut pien ni latini pe romo niang pi oyot medo ki ngec ma dul me Backup tye kamiyo ne bot dano, atye ki bik ni dong lutino dong kipe kagoyo gi ki lut, kumenu kur?

Glades: Pe amito wacu ni dong odoo mopeke, ento enoni tye gin acel. Pol kare wamaro wacu lupwonye ni odoo petye lagam bot lutini matye ki goro, itye kaketo arem ikom latin ento ipe ka gamo ento itye kamedo peko ayer. Pol kare odoo petye lagam maber loyo. Pol kare amaro wacu lupwonye ni ka in ijwato latin petyen ma acel en pe oniang, tyen me aryo en bene tye kamede, dok bene pwod ibigoye bene ento aloka aloka obinen? Kulu, petye gi moo ma obiloke. Ki bota aneno jwato dano pe kelo aloka aloka ikwo pa latin. Iromo timo gin ango? Ngo mukene ma pwod iromo timo mapat ki odoo. Ki tung bota pa aromo wacu ni gangi kwan pe tye ka goyo lutino, ento gin ma pol kare wacuku cwiny lupwonye ni odoo pe gin maber dok bene en aye tye lagam pi peko moo kiken.

Moses: Dong kombedi wangoyo ni odoo en ayer petye lagam dok dano weng ma gimito ngeyo goro madiyo lutino omyero gutir ki ngec mai iwigi me neno ngo matye katime ikom lutino eni.. Glades itamo ni lunyodo ki lupwonye romo timo ngo me konyo lutino eni matye ki goro ni ikin gang?

Glades: Man ayer obedo ngo mapol kare wawacu idul tuku wa, gin acel ma amiti awac bot lunyodo ki lupwonye mi bedo ki gin ma ki lwongo ni yeyo, ka iyer lutini kit ma gin tye kwede, ka ineno ma nongo in iceto iot lega, gimaro wacu ni bin kit ma itye kwede, Rubanga wacu ni bin kit ma in itye kwede. An bene amiti ati ki ngeg lok enoni. Wayeyo lutino eni kit ma gin tye kwede ni, meno ayer gin acel ma pol kare awacu bot lunyodo. Ka inyutu lutini mar, iyer gi, igeno gi, gimo kiken mai ibitimo obibedo me yom cwiny pien itye katimone ki mar, pe itye katimo ne wek kinen ni kica ayer tye kamaki pe lagam ento itye katimo ne pien iyer gi kit ma gitye kwede. Bot lupwonye, wayeyo lutini kit ma gi tye kwede, waneno ngo ma

waromo timo ne ci dong wapeny ngo ma an aromo timo ne? aromo konyo latin eni nining? Aneno calo eni ayer gin acel maber ma waromo timo ne. pien ka iyer gi, itye kanyuti gi mar, ibedo ma nongo itye katamo kit ma oiromo konyo ki lutini kwede.

Moses: Ngo ma pwod iwacu icawa ni omyero waket itic. Itye katimo gin maber. Amiti ajoli odojo iyub wa man dong wacok oo ia agiki, man yub pa Backup Uganda. Watye idul tuku wa mi 23 me Lutino weng twero pwonye, tin watye ki welo wa dano mangene dok tye ki ngec matut ipeko ma diyo lutino ikare me pwonye, obedo ka leyo kedwa kit ma en ibedo ka tic kwede, kit ma en tye kaneno ki lupwonye kwede ki lunyodo ikom pwonye ma gin obedo kamiyo ne ikin gang ka aloka loka motye, dok bene pwod oaa kawaci wa ngo ma en itamo ikom lunyodo ki lupwonye ngo ma en tamo ikomgi kit me konyo lutino ma tye ki goro ipwonye. Lapenya me agiki. Tam ango ma in imiyo bot Lupwonye ki lunyodo matye kawinyu yub wa ni ki kit ma giromo tic ki lutino ma gin tye kabiko ni man eni nen calo tye kigoro.

Glades: Tam ma amiyo bot lunyodo ayer, kong dong wayeyo lutino eni. Kateki wayer gi, wacwalogi igang kwan, menu ayer tam ma aromo miyo bot lunyodo, pe waweku lutino eni gang, wacwalo gi igang kwan dok bene wanwak ki lupwonyegi. Wat ikin gang kwan ki lanyodo onyo gang kwan ki adwol omyero kubed matek. Pien ka iwacu bot gang kwan kit ma latini tye kwede bedo yot tutwal ki lapwony me tamo kit yoo ango ma omyero kitim mi konyo gi eno ni aye oweko pi lunyodo matye kawinyo yub man omyero irib wat matek ki gang kwan ma latini tye ka kwan iyer dok bene petye pi latini matye ka yeke ki kwani ento lutino weng ma tye ki goro mapat pat. Dok bene eni tye pi latini ma waneno calo tye maber ni. Omyero ilub kor latini igang kwan inen kit ma tye ka dongo kwede, en tye nini? Tye katimo peny nining? Pire tek. Menu bene lwongo wan me timo bot lutino matye ki goro bene, walubu kor gi igangi kwan gi. Waloko lok kom latini bot lupwonye wa ki luloc me gang kwan wek gin onge kit ango ma gin giromo konyo latin eni matye ki goroni. Cawa mukene lanyodo dong nongo ngeyo goro pa latine, latini tiyo mot, lok kede kuman, tim kuman ci latina ni obilubu. Lok eni, pire tek tutwal bot lapwony. Ento ka pe ibino iwacu lok eni bot lapwony obibedo tek ki en mi bino tamo ne atama wa lunyodo bene pien Lupwonye eni petye Rubanga, gin peromo ngenyo ngo matye katime ki latini. Ento ka iwaci gi bedo yot tutwal botgi me niang dok bene weko gi tamo kit ma omyero kikong latini kwede menu aye tam ma amiyo bot lupwonye. Apwoyo matek.

Moses: Menu obedo lapeny wa me agiki. En onywako kedwa maber ki dwon ma lamal, tame kit ma kiromo konyo kwede ci omyero wate calo jami mai komwa. Glades, iromo waci wa loki ma agiki?

Glades: Apwoyo Moses, loka mia agiki bot lunyodo onyo lupwonye, bot ngati moo kiken matye kawinyo yub man, wabedo ki cwiny maber ikom lutino man. Ka obino me konyo lutino matye ki ngolo onyo goro mapat pat wabedo ki cwiny maber ikom gi. Pol kare amaro wacu lunyodo ki lupwonye ni Rubanga obedo gin maber ma kape omino latini tyene obiweko cinge bedo mi kong tutwal. Obi weko wiye tamo maber. Watiyo ki gum dok bene wabedo ki neno maber mi konyo lutino wa eni. Dok bene lupwonye itye kunu pi tye lok. Wanwako tam ka latin tye kamoko iot kwan, nwak ki lupwonye mukene bene wa ki luloc me gang kwan. Waloko ikom latin eni matye katute ki kwane, wakonyo awobi eni, ngo mamero watimo? Atamo ni leyo tam eni abedo paro pi lutino bene maromo konyo maber loyo odoo tutwale ikare ma piny tek. Tama bot lunyodo, ka ineno ni latini tye ki lanyut mapat ki lutino mukene ni ikare mi nwal, cwal iot yat. Cet ice niange ngo kikome marac. Pingo latina dok pat ki luwote ni? Enoni pire tek pien wa miti in bene ibed ki kero me cwalo latini igang kwan ma nongo kun ingeyo ngo kikome matye ka time ikom latini. Dong ka ilimo ot yat wek iniang maber ikom ngo ma latini tye kayele kwede. Menu ayer tama. An Apwoyo matek. Rubanga ogwoki.

Moses: Apwoyo matek menu obedo lamera Glades ngat ma doro pwonye iBackup Uganda ma en obedo kawot idul pwonye mapat pat dok bene orwate ki dano mapol dok bene opwonyo bulu, ludito, lupwonye, lutino ki dano weng ma en obedo ki kero me rwate kedgi. Yub man jo makeli en aye obedo Backup Uganda kun ki lwongo ni Lutino weng romo pwonye wabedo idul tuku me 23. Pe ikeny yub wa mabino anyim. Wan wawacu ni Lutino weng twero pwonye. Apwoyo matek. Wanen lacen.

Agikki: Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami matime i romo nongo i wang website www.backupuganda.org onyo i facebook, instagram, Twitter kacel ki LinkedIn.